

四庫全書

史部

欽定四庫全書

史部
欽定八旗通志卷三十三至三十四

欽定四庫全書

欽定八旗通志卷三十三

兵制志二

禁衛一

領侍衛府
御營 嚮導

驍騎營

前鋒營

護軍營

領侍衛府

滿洲鑲黃正黃正白上三旗設領侍衛內大臣六

人內大臣六人散秩大臣無定員凡一等侍衛六

十人二等侍衛一百五十人三等侍衛二百七十

人四等侍衛無定員宗室侍衛一等九人二等十

八人三等六十三人

康熙三十七年增設宗室侍衛無定員雍正七年定制共

九十人並入三旗隨班行走

藍領侍衛九十人

每侍衛十人各設什長一人即

於什長及兩翼班領署班領內定以十二人隨印協理事務

御前侍衛

乾清門侍衛

于三旗侍衛內簡用

漢侍衛

雍正五年定例亦分一二三等及藍

翎于武進士內簡用

皆無定員主事一人筆帖式十二人

貼寫筆帖式十五人親軍校七十五人

鑲黃旗十五人又下

五旗移入十人正黃旗十五人又下五旗移入十一人正白旗十五人又下五旗移入九人親

軍九百九十五名

三旗滿洲蒙古佐領下每親軍二名鑲黃旗二百二十四名又

下五旗移入一百三十名正黃旗二百三十四名又下五旗移入一百三十五名正白旗二百三十名又下五旗移入一百十七名內以七十五人為親軍校三旗親軍每旗選六十名隨侍衛班入直餘皆隨三旗護軍營護軍校護軍一體直宿當差

凡宿衛之制更番輪直三旗侍衛各分六班班分

兩翼

鑲黃旗為左翼正黃旗為右翼正白旗半為左翼半為右翼

各設侍衛班

領二人署班領二人侍衛三十人宿衛

乾清門為內班畫坐門禁夜守扁鑰散秩大臣一人
侍衛親軍十人宿衛

中和殿侍衛什長三人侍衛親軍三十人宿衛

太和殿為外班以領侍衛內大臣一人總統之內大
臣散秩大臣二人隨班入直

凡扈從之制後扈二人於領侍衛內大臣內

簡用前引十人於內大臣散秩大臣統領副都統內

簡用豹尾班侍衛于三旗侍衛內選功臣後裔六十人

日以二十人直

後左門每

乘輿出入以十人執豹尾槍十人佩儀刀侍於

乾清門階下左右

駕出豹尾班侍衛殿於後以領侍衛內大臣一人侍衛

班領二人統之

駕還宮隨至

乾清門退歸直

皇帝御太和殿受朝前引侍衛二人自

乾清門

後左門引至

殿後止後扈大臣二人自

乾清門扈從

如係
自

御前大臣則
宮內隨出後並同

前引大臣十人

候於

殿北階下

駕至按翼前導進

殿由左右趨至

寶座前北上東西面序立後扈大臣於

寶座左右僉立豹尾班侍衛於

寶座後左右南向序立遇

御門聽政屆時直班侍衛引有事各官由

後左門入

日常入奏官亦均由侍衛引進

豹尾班侍衛於

乾清門階下左右牆角立領侍衛內大臣直班內大

臣侍衛於階下立侍衛班領每翼一人于階上左

右楹前立

御前侍衛隨

駕出同

乾清門侍衛於

御座兩傍立

駕還宮

御前侍衛隨入餘各退歸直

御經筵日侍衛二人前導至

文華門止後扈大臣隨至

寶座左右僉立

御前侍衛

乾清門侍衛於

寶座後兩傍豹尾班侍衛於

殿外階下均左右序立如

御箭亭侍衛二人前導至降輿處止遇外藩來朝及
召見外藩使臣或於

便殿或於

駐蹕行宮前引後扈大臣皆侍班

御前侍衛

乾清門侍衛直日侍衛班領豹尾班侍衛均於

殿內按翼序立

皇帝躬祀

郊壇前引侍衛二人自

乾清門前導至

午門外止前引大臣候於

太和門北階下

駕至按翼前導後扈大臣隨行自

午門外乘馬至

壇門外下馬均佩刀引扈

御輦前後執鐙侍衛四人輦前執提爐侍衛二人皆步

從輦後豹尾班執槍侍衛十人佩儀刀侍衛十人

佩矢弓侍衛二十人以領侍衛內大臣一人侍衛

班領二人領之建黃龍大纛二司纛侍衛什長二人以領侍衛內大臣或內大臣散秩大臣一人領之及

壇前引大臣在

圜丘壇三成階上立

方澤壇及

日壇

月壇於二成階下立後扈大臣隨升

壇於

駕後僉立豹尾班侍衛於

壇內攬門外序立祀

祈年殿饗

太廟前引大臣由左階升

駕入殿門於中門外一成階上東西面序立後扈大臣
隨入於

駕後僉立豹尾班侍衛于三成階下立祀

社稷壇前引大臣立于內壝門外豹尾班侍衛立于拜

殿南門外展拜

堂子前引大臣立于甬道北豹尾班侍衛立于祭

神殿兩旁祀

先農壇前引大臣立于階下豹尾班侍衛立于樂懸南

過

駕耕耤

御具服殿前引大臣立于殿前階上

駕詣耜田引至耕所三推禮成引由觀耕臺午階升于御座前左右序立過

大閱日前引後扈大臣均甲冑引扈豹尾班侍衛甲冑殿後

御前大臣侍衛等均甲冑隨行其次黃龍大纛行三旗親軍甲冑按次行

駕御帳殿豹尾班侍衛按翼排列左右建黃龍大纛三旗侍衛親軍按翼環衛

車駕巡幸

御前大臣侍衛

乾清門侍衛皆從其六班輪直之侍衛以一班或二

班隨往

凡選補親軍于本佐領下護軍驍騎及教養兵閑散壯丁內選補隨侍衛班行走之親軍由本旗親軍內遴選弓馬人材及世胄子弟拔補均由隨印協理事務侍衛班領遴選呈本旗領侍衛內大臣

補授

雍正三年奏准三旗親軍令侍衛班領及親軍校管束察其騎射行走該旗差務仍照常例行

雍正七年定三旗各領銀二萬兩生息以資公用由各旗協理事務侍衛班領辦理乾隆十四年奏准此項銀交各該旗辦理所得之息交內務府廣儲司收貯用時陸續支領仍令協理事務侍衛班領收管

凡入侍衛班之親軍在

圓明園直班各班各給飯銀二錢五分在外直班之親軍校親軍每人各給飯銀一錢五分均于公用銀內動用

謹按侍衛班內有

上駟院侍衛每旗七人司轡司鞍侍衛無定員隸駟院其兼尚虞鷹鷂房鴉房狗房十五善射善騎射善射鵠善強弓善撲等侍衛各有專管統在三旗額內均無定員又鑾儀衛亦侍從武職設有掌衛事內大臣以下等官專司乘輿鹵簿茲不具列其所屬軍尉儀刀弓矢戔戔用親軍豹尾槍仗馬用護軍蒙古畫角用蒙古鳴角軍其奉輦擎執儀

杖各校尉由內府選充者為旗尉由五城選充者為民尉奉輦旗尉百六十八人民尉六十八人各執事旗尉二百四十六人民尉三百三十二人左右中前後五所民尉計一千三百二十八人馴象所民尉二百六人八旗漢軍司更兵四十人均隸在軍數謹附載于此

八旗驍騎營

滿洲八旗都統每旗各一人副都統各二人驍騎

叅領各五人副驍騎叅領各五人

康熙三十四年于每旗叅領下

增設委署叅領雍正元年改名副叅領蒙古漢軍八旗並同

佐領無定員

隨人戶編

設每佐領下驍騎校一人領催五名

初制滿洲及蒙古每佐領

下設領催六名康熙四十三年裁一名

驍騎二十名匠役二名養育

兵

雍正二年初設具詳

恩卹門乾隆三十六年定額按三兵一缺八旗滿洲共應一萬七百

九十

八缺

蒙古八旗都統每旗各一人副都統各二人驍騎

叅領各二人副驍騎叅領各二人佐領無定員每

佐領下驍騎校一人領催五名驍騎二十名匠役

二名養育兵

乾隆三十六年定額按三兵一缺八旗蒙古共應三千二百七十九缺

漢軍八旗都統每旗各一人副都統各二人驍騎

叅領各五人副驍騎叅領各五人佐領無定員每

佐領下驍騎校一人領催五名烏槍驍騎四十二

名每旗藤牌兵一百名

雍正二年漢軍每佐領下設藤牌兵四名乾隆元年

定漢軍每旗設藤牌兵一百名

六年定藤牌兵歸

并大營每旗百名于烏槍手額內

選取並簡選叅

領一人散秩官驍騎校各

養育兵

乾隆三十六年定額八旗漢軍

二人領催五名令其管轄

仍照原額共應四

千八百十三缺

凡城門直班之制內城九門安定門德勝門東直

門西直門朝陽門阜成門崇文門宣武門八門各

按官兵居住方位以八旗滿洲蒙古漢軍分直正
陽門以八旗滿洲蒙古輪直外城七門以鑲黃旗
直東便門正白旗直廣渠門正黃旗直西便門正
紅旗直廣寧門鑲藍旗鑲白旗直左安門鑲紅旗
直右安門正藍旗直永定門均派漢軍雍正六年
于八門城外增建營房仍按八旗方位每旗委滿
洲蒙古漢軍官四人驍騎校四人驍騎滿洲一百
二十名蒙古四十名漢軍四十名各旗均分為四

班每班五日以委官一人驍騎校一人驍騎五十
名令其更番居住看守十二年又定正陽門兩旁
城門即于看守八門官兵內八旗共委官四人驍
騎校四人每旗各委驍騎十名接翼看守十日一
次更代每日按翼各委兵十名晝夜巡宿以為常
凡汛守之制康熙二十二年定恭遇

車駕巡幸八旗驍騎營于內九門城上每旗增設汛六
所于街道每旗增設汛十所內城各門于門內各

增汛一所正陽門八旗輪直其餘八門八旗分設
均委官兵看守乾隆五年復定恭謁

陵寢及

駐蹕圓明園南苑等處並逢年節封印後照例于城上
每旗設汛六所共四十八所委驍騎營官兵與城
上步軍營分汛相間看守每旗于滿洲蒙古漢軍
內會委叅領一人約束如恭遇

巡幸口外及遠省則增設汛十五所將步軍撤下分防

大街巷口城上汛守悉易以驍騎營分委驍騎校
領催驍騎晝夜巡宿以叅領二人往來稽察

凡各處看守之制戶部銀庫委官二人領催二名
兵十八名庫後門委官一人兵十名顏料庫委官
四人驍騎校四人領催四名兵二十八名緞疋庫
委官二人驍騎校二人兵五十名以鑲黃正黃正
白三旗輪派工部節慎庫以鑲紅旗官一人兵十
名製造庫以正紅旗官一人兵五名刑部贓罰庫

以鑲藍旗官一人兵十名宗人府庫以鑲白旗官
四人兵四十名理藩院庫以正藍旗官二人兵二
十名光祿寺庫以正藍旗官一人兵十名太常寺
庫鑲紅鑲藍二旗輪委官一人兵十名鴻臚寺
龍亭以正紅旗兵八名

圓明園直月

今為
直年

衛門左右翼各輪委領催一名兵

五名海運倉以鑲黃旗北新倉以正黃旗儲濟倉
以鑲白旗裕豐倉以鑲紅旗各委官二人領催二

名兵三十八名舊太倉以正白旗南新倉以鑲白旗興平倉以正紅旗富新倉以鑲紅旗各委官二人領催二名兵十八名萬安倉以正紅旗委官四人領催四名兵三十一名祿米倉以正藍旗委官二人領催二名兵三十三名太平倉以鑲藍旗委官四人兵四十一名豐益倉八旗會派官二人領催五名兵四十五名皆兼用滿洲蒙古漢軍工部濯靈殿八旗漢軍輪委官四人兵二十名硝磺庫

滿洲正紅旗官二人兵二十名戶部內倉滿洲正
白旗領催二名兵六名以上各晝夜看守喀爾喀
館園牆于喀爾喀到日委正白旗官二人兵十名
館門委正藍旗官一人領催一名兵九名俄羅斯
館于俄羅斯到日八旗滿洲蒙古漢軍共設班房
十六處每四處委叅領一人每處委官一人兵十
五名館門輪委叅領一人兵二十名外館於馬匹
到日八旗滿洲蒙古輪委官二人驍騎校二人兵

二十名後黃寺於蒙古使臣及喇嘛來使到日八旗滿洲蒙古輪委官一人兵十名晝夜看守均於回日撤退

凡防火之制順治初年設八旗火班雍正八年定於失火在東南城令正藍鑲白二旗西南城令鑲藍鑲紅二旗東北城令鑲黃正白二旗西北城令正黃正紅二旗各率官兵往救

禁城之內每翼令二旗救護步軍營見每處失火即

報知相近旗分乾隆六年復定八旗火班八處每處滿洲蒙古漢軍諸旗更番輪直以都統或副都統一人叅領二人叅領以下官八人領催八名驍騎七十二名如旗界及接壤之地有不戒于火者都統等即領直班官兵之半往救其餘官兵仍留該班處備用

凡選補領催不論滿洲蒙古漢軍均於本佐領下驍騎內選充

順治元年定護軍亦准選用領催

雍正二年覆准八旗領催缺均于本佐領下正身
驍騎閑散壯丁內選取如不得其人向例原有于
佐領下護軍調補之例嗣後應遵照定例先儘驍
騎閑散壯丁選取不足于本佐領下之識字護軍
內調補如應選不選及將開戶人選取者察出該
驍騎校以上皆分別議處
凡選補驍騎於本佐領下選充

康熙二十一年題准滿洲佐領下有寡婦孤子無
可充驍騎者將家生子充驍騎以資贍養

四十三年奉

旨作為正戶別載冊籍人之子孫均準拔補驍騎戶下人
不准拔補

雍正二年議奏八旗驍騎于正戶人內選補不敷
方于佐領下開戶戶下人選取奉

旨據爾等奏如有正身將正身選取驍騎如正身滿洲少

時將戶下滿洲選取等語倘正身滿洲最多之佐領其
孤寡之人不得錢糧何以為生有似此者悉傳集曉諭
其如何給與孤寡人錢糧不令匱乏之處著再行議奏
嗣議准以後驍騎闕仍于正戶之閑散壯丁教養
兵步軍內選取或該旗內有貧乏孤寡不得錢糧
養贍者傳集其佐領下人遍行曉諭將孤寡之家
人充補驍騎又

諭凡年老護軍除應陞護軍校驍騎校外其年已老邁又

不在應陞之列者若竟革退殊覺可憫著該統領會同都統等將伊等轉補驍騎行走其護軍缺即令人材少壯之驍騎轉補

八年

上諭前漢軍懇請出兵効力朕諭該都統等漢軍騎射生疎平時不肯演習而務出征効力之虛名于事無益可于每旗操演兵丁千名備用昨據都統等奏鑲黃正黃正白三旗除常行當差兵外現在輪流操演可得千人

正紅鑲白鑲紅正藍鑲藍五旗除當差外不數千人之
數我朝定鼎漢軍從龍入關技勇皆可用今承平日久
耽于安逸是以武藝遠不如前目今官至提鎮副叅者
寥寥無幾而在內簡用都統副都統時亦難其人朕思
漢軍生齒日繁當籌所以教養之道而額設之兵為數
又少似應酌量加增於國家營伍旗人生計均有裨益
且如在外駐防漢軍子弟日漸繁衍而本身錢糧各有
定數難以養贍應令餘丁回京當差又如外任官子弟

徃徃以隨任為名游蕩荒廢前曾有旨嚴禁悉令回京
當差學習弓馬又如候缺徵員一時難以銓選者若情
愿入伍當差到選班時仍許輪流補用又如內府人丁
亦衆于充役當差外其閑散人丁撥入八旗充驍騎亦
可再五旗諸王之漢軍佐領仍屬本王外其貝勒貝子
公等之漢軍佐領實無所用應撤歸旗下公中當差且
可免掣肘之虞其如何增設漢軍佐領永遠可行著詳
議具奏嗣議定漢軍鑲黃旗四十三佐領有半正黃正

白二旗皆四十二佐領正紅旗二十七佐領有半
鑲白旗二十八佐領鑲紅旗二十七佐領正藍鑲
藍各二十八佐領通計領催槍手礮手棉甲兵教
養兵銅鐵匠弓匠聽差護城守門守礮守火藥局
守教場以及步軍門軍共萬七千五百二十八人
今應于原有之二百六十五佐領及兩半分佐領
外增設三佐領並增兩半分為兩整分上三旗每
旗定為四十佐領下五旗每旗補足三十佐領共

三百七十佐領其新設佐領下應增領催十五名
步軍領催三名步軍四十八名每佐領增足槍手
四十名棉甲兵八十名上三旗每旗補足教養兵
一百八十八名下五旗補足教養兵一百四十九
名共增兵二千四百七十二名以足二萬之數至
增設各項兵丁應于在京閑散壯丁及外省駐防
漢軍餘丁外官隨任子弟願充驍騎者並候選未
得之徵員內選補再下五旗漢軍佐領除王等仍

舊分設外貝勒貝子公等佐領悉歸各旗作為公
中佐領

乾隆三年

諭前此自軍營撤回開戶之領催驍騎內一等二等者
均為正身別載冊籍至和通呼爾罕諾爾烏遜珠爾
等處打仗陣亡開戶分戶之領催驍騎轉不能沾恩
實屬可憫著交與八旗將此等陣亡開戶領催驍騎
之子孫亦著為正戶與別載冊籍之人一例選取驍

騎又

諭向來八旗簡選驍騎皆憑騎射今聞都統等並不校閱騎射止傳赴衙門令其開弓即行選取旗人騎射甚為緊要如此選取何由長進夫教訓兵丁學習騎射乃都統專責嗣後務須痛改以期各盡厥職倘仍如是斷不姑容

又覆准八旗生齒日繁而驍騎限有定額理應將正身選取不應並選開戶之人其現在開戶人內

有既經選補驍騎者毋庸革退至步軍匠役等缺例應選取家人若開戶人內有情願入選者即行選取

六年覆准八旗漢軍正戶開散餘丁甚多而開戶家人亦復不少若驍騎缺並選開戶之人正戶人等轉致壅滯嗣後八旗漢軍驍騎不准開戶入選補至八旗滿洲蒙古驍騎先於年壯正身內選取如不得人再於本佐領開戶家人內驗其能騎射

者選取

七年

上諭五旗王公宗室等府屬佐領下人均係盛京跟隨
來京之人著交王公等將不能養贍之正身滿洲蒙
古之子孫覈實行知各都統於丁少無正戶可選之
佐領下選取驍騎及執事人仍不許離其佐領止令
本身在旗當差若其本主欲選補護衛等官調用別
項差使均聽其便

八旗前鋒營

前鋒統領左右翼

鑲黃正白鑲白正藍四旗為左翼正黃正紅鑲紅鑲藍四旗為

右翼各一人

或以王公大臣兼領

前鋒叅領每翼各八人

每旗俱滿

洲蒙古兼用

前鋒侍衛各八人

雍正三年定以左右翼前鋒叅領各一人前鋒

侍衛各一人隨印協理事務

委署前鋒侍衛各四人

乾隆十七年增設即

于前鋒校或親軍校內選委給五品虛銜仍食原餉

前鋒校各四十八人

雍正

三年定以左右翼前鋒校各二人隨印

隨印筆帖式各二人

初制每翼各一

人康熙四十六年裁雍正三年復增設

委署前鋒校各四人

乾隆十七年增

設四員

藍翎長

每十人設長

各二十人鳥槍隊長委署藍

翎前鋒長各四人鳥槍隊長

每十二人為一隊

各二十人

前鋒委署鳥槍隊長各四人前鋒八旗滿洲蒙古

每佐領下各二名

自委署前鋒校以下皆在兵數內

凡宿衛扈從之制與八旗護軍營一體派委

制詳後

軍營其

行在宿衛扈從前鋒叅領前鋒侍衛共八人率前鋒

校前鋒共百二十人於

御營前一二里外相度形勢安設卡倫立前鋒旗二以
為門戶左右以次列帳各於帳內巡警宿衛有於
卡倫內行走者坐以軍法次日各屬繫鞅控馬於
道旁排立候黃龍大纛過各乘馬整隊扈從

八旗護軍營

護軍統領每旗各一人護軍叅領每旗滿洲十人

蒙古四人

每旗設內司鑰長一人署司鑰長一人

副護軍叅領如叅

領之數

初設委署叅領雍正元年改名副叅領三年定以每旗護軍叅領各一人副護軍叅

領各一人隨印協理事務

委署護軍叅領每旗各七人

乾隆十七年增

設即於護軍校或親軍校內選委給五品虛銜仍食原餉

護軍校八旗滿洲蒙

古每佐領下各一人

雍正三年定以每旗護軍校各二人隨印

隨印筆

帖式每旗各二人

初制每旗各一人康熙四十六年裁雍正三年復增設

門

筆帖式鑲黃正黃正白三旗各十人護軍滿洲蒙

古每佐領下各十七名

凡宿衛之制

景運門統領一人

以護軍統領或前鋒統領入直

司鑰長一人護軍

校三人門筆帖式二人閱門籍護軍

即巴克什

一人護

軍十七人

隆宗門協理事務叅領一人

康熙六十一年增設統領一人雍正四年定以

協理事務護軍叅領或前鋒叅領入直

護軍叅領二人

初制設叅領一人康熙六

十一年增定

護軍校三人門筆帖式一人閱門籍護軍

一人護軍十七人

後左門

後右門護軍叅領各一人護軍校各三人門筆帖式

各一人

門筆帖式初制未設後增定

閱門籍護軍各一人護軍

各十二人

中左門

中右門護軍校各二人閱門籍護軍各一人

閱門籍護軍初

制未設後增定

護軍各八人

左翼門

右翼門護軍校各二人閱門籍護軍各一人

閱門籍護軍初

制未設後增定

護軍各八人

保和殿東西廊內庫護軍校各一人護軍各四人

乾隆

十五年
增設

中和殿護軍校二人護軍三人東西廊護軍校各一

人護軍各四人

康熙十八年於中和殿
設護軍校護軍後增定

太和殿

體仁閣

宏義閣護軍校各二人護軍各八人

皆康熙十八年增設

太和門左右門親軍校各二人親軍各八人

初制設
護軍校

護軍後改用領侍衛府
所屬之親軍校親軍

昭德門

貞度門護軍校各二人護軍各八人

協和門

熙和門護軍校各二人護軍各八人

蒼震門

啟祥門護軍叅領各二人護軍校各三人閱門籍護
軍各一人護軍各十二人

吉祥門及西北隅護軍叅領各一人

護軍叅領初制未設後增定

護軍校各二人護軍各八人

凝華門

中正殿後門及東北隅東南隅護軍校各二人護軍

各八人

初制惟吉祥門及西南隅東北隅東南隅等處設護軍後增定

箭亭及

北上門護軍校各二人護軍各八人

皆康熙六十年增設

文華殿門護軍叅領一人護軍校二人護軍八人銀

庫行走章京一人護軍校二人護軍八人

初制文華殿

及銀庫各用八旗驍騎營官一人領催一
名驍騎九名乾隆二十二年改用護軍

紫禁城四門內磴道柵欄護軍校各二人護軍各八

人

午門護軍叅領一人左右門護軍校各三人護軍各
十二人又左門閱門籍護軍二人

東華門

西華門

神武門護軍叅領各一人護軍校各四人閱門籍護

軍各二人護軍各十六人恭遇

車駕行幸則於三門各增設統領或協理事務之護軍

叅領及前鋒叅領一人

雍正元年定每遇幸則

禁城四門各增

統領一人四年又改定今制

以上各委鑲黃正黃正白三旗官

軍按日分班丑未日為鑲黃旗首班寅申日為鑲

黃旗二班己亥日為正黃旗首班子午日為正黃

旗二班卯酉日為正白旗首班辰戌日為正白旗

二班各輪番直宿又有防範火班於雍正五年定

遇有應用齊集之處合直班之護軍統領司鑰長等於

左翼門等二十三處護軍每處調二人共四十六名
協同內府直班官兵前往

闕左門司鑰長護軍校一人護軍九人

闕右門護軍叅領一人護軍校一人護軍九人

初制二門

皆以步軍守衛乾隆十五年改用下五旗護軍

端門

天安門

長安左門

長安右門

大清門護軍叅領各一人護軍校各二人護軍各十

八人

初制三門皆以步軍守衛雍正元年改用下五旗護軍

紫禁城外周圍

初制以驍騎營官兵守衛雍正元年改用下五旗護軍

東華門

西華門外以南令正藍旗鑲藍旗二旗守衛

東華門

西華門外以北至城角令鑲白鑲紅二旗守衛北面
一帶令正紅旗官軍守衛周環設十六堆汛各叅

領一人護軍校一人護軍九人柵欄八座

乾隆十五年增

設各護軍校一人護軍九人以上各委鑲白正紅

鑲紅正藍鑲藍五旗官軍按日分班甲乙日為正

紅旗班丙丁日為鑲白旗班戊己日為鑲紅旗班

庚辛日為正藍旗班壬癸日為鑲藍旗班每旗各

二日輪番直宿總隸於

景運門直班統領稽察

凡傳籌之制

紫禁城內五籌遞傳每夕自

景運門發籌西行過

乾清門出

隆宗門循而北過

啟祥門迤而西過

凝華門迤而北過

中正殿後門迤北至西北隅迤而東過西北門

順貞門

吉祥門至東北隅迤而南過

蒼震門至東南隅迤而西仍至

景運門計十二汛為一週

紫禁城外八籌遞傳每夕自

闕左門發籌西行過

午門出

闕右門循而西經西一汎至南柵欄二汎迤而北經
三汎一柵欄過

西華門經一柵欄四汎五汎六汎至西北隅七汎迤
而東經八汎一柵欄過

神武門經一柵欄九汎東北隅十汎迤而南經十一
汎十二汎十三汎一柵欄過

東華門經一柵欄十四汎十五汎至南柵欄循而西

經十六汛仍至

闕左門計二十二汛為一週恭遇

駐蹕行宮內外汛傳籌亦如之

凡禁門啟閉順治初年定每

車駕出入各門均啟中門

景運門直班統領率

隆宗門叅領祇承其事並令護軍清蹕每夕

景運門直宿司鑰長率官軍自

後左門

後右門

中左門

中右門

左翼門

右翼門

太和門

昭德門

貞度門以次驗視扃鑰

午門以

隆宗門護軍叅領

東華門以

蒼震門護軍叅領

西華門以

啟祥門護軍叅領

神武門以

吉祥門護軍叅領分視局鑰畢各遣護軍校納鑰於
司鑰長司鑰長受驗諸門鑰彙貯於篋復加局鈐
詰朝各門校以次領鑰啟門日以為常雍正四年
於

景運門

隆宗門

東華門

西華門

神武門各頒陰文合符一扇傳

諭護軍統領如遇夜有奉

旨差遣及緊急軍務應即時啟門者候

大內持出陽文合符該護軍叅領即取陰文合符驗
明啟鑰仍報知統領

蒼震門

啟祥門等處遇陽文合符至門該叅領即報統領親
齎陰文合符至門與陽文合符照驗啟門均於次

日具奏乾隆十五年復定

端門

天安門

大清門如

紫禁城門之例每夕由

闕左門直宿司鑰長委護軍叅領一人驗視扃鈐畢
各門護軍叅領收鑰遣護軍校報於司鑰長次日
啟門亦如之

凡門禁王公官員執事人等於

紫禁城門不得擅行出入其准予應行之門出入者
由直班官軍詢明放進如有無故溷入及濫攜入
濫縱入者分別議處各衙門官吏均於

午門左門出入右門自王公以外不得擅行內大臣
侍衛內務府等官及內廷有執事官與內府各執
事人等准於禁門行走者均將姓名及所隸旗分
佐領內管領造冊咨送登籍於經由之門各置一

通工匠服役人等則由本管衙門各給火烙印腰牌書姓名差役持為出入符驗以護軍之識字者專檢門籍稽其出入籍內無名及不帶腰牌者不准放入又每門設紅杖二以護軍二人更番輪執坐於門下親王以下經行皆不起立有不報名擅入者撻之

凡扈從之制恭遇

親祀

壇

廟統領一人同內大臣散秩大臣侍衛等於豹尾班後管

束

駕詣

南郊以八旗護軍叅領三十二人護軍校護軍八百人自

午門起至

齋宮分翼於

輦路兩旁清蹕又以護軍叅領八人護軍校護軍八十

人於神樂署週圍清蹕又以護軍叅領二人護軍校護軍二人於

圜丘外週圍清蹕

齋宮左門以護軍統領一人上三旗司鑰長一人護軍叅領一人護軍校護軍二十人直宿右門以上三旗協理事務叅領一人護軍校護軍二十人直宿

成貞門西大門以上三旗司鑰長一人護軍叅領一

人護軍校護軍二十人直宿

齋宮外設十四汛以八旗護軍叅領六人每汛各護

軍校護軍十一人巡守外

壇西門外以下五旗護軍叅領二人護軍校護軍二十人

直宿內

壇西門以下五旗協理事務叅領一人護軍叅領一人護

軍校護軍二十人直宿如

駕詣

北郊

輦路清蹕之制同又以上三旗護軍叅領三人護軍校

護軍六十人於

壇外西門至

壇北門清蹕以下五旗護軍叅領五人護軍校護軍五十

人分令兩旗於樂部宿處三旗於

壇外西門外各清蹕

齋宮正門以護軍統領一人上三旗司鑰長一人護

軍校護軍二十人直宿內北門內西門各以下五
旗協理事務叅領一人護軍叅領一人護軍校護
軍二十人直宿

齋宮外設十一汛以八旗護軍叅領八人每汛各護
軍校護軍十人巡守如

駕幸瀛臺

承光殿等處以上三旗護軍叅領十二人護軍校護
軍三百人

駕幸圓明園南苑等處以八旗護軍叅領三十二人護
軍校護軍八百人均於經由之路按旗分翼排立
清蹕每遇

車駕經行城內以上三旗官軍城外以八旗官軍衛道
清蹕均由

景運門直班統領計程遠近隨時酌委以統領一人
率護軍叅領一人稽察

回鑾亦如之

凡

行在宿衛扈從恭遇

車駕巡幸視道里之遠近日期之多寡每次合前鋒營計之酌量分派以統領三人營總三人司其事康熙初年定每

駐蹕之地由嚮導總統等先期指示地盤護軍統領營總各一人率護軍叅領護軍校護軍豫往同武備院卿司幄及工部官設

帳殿

御幄綠以黃槩木城

康熙十年改用黃幔城

外為網城設南東西

三旌門門建旗各二南正白東鑲黃西正黃自東
西門以後三面各設連帳護軍統領率八旗官兵
於網城門守衛去網城百步外八旗各設帳房東
四旗左翼西四旗右翼各按翼巡宿建鑲黃護軍
纛於後正黃護軍纛於右正白護軍纛於左以領
之路中設頓營或一或二亦由嚮導指定護軍叅

領等豫行張具每日

御營輜重前行三旗營總護軍叅領三人率三旗護軍
蘇並行雍正元年定網城改用圓形周設連帳仍
設三門各建上三旗之護軍旗二設汛九守以上
三旗護軍於網城外又設連帳一重形亦圓設四
門亦各建護軍旗二南建正藍鑲藍旗各一東建
鑲白西建鑲紅北建正紅旗各二設汛四守以下
五旗護軍均統以營總去營六十丈八旗各設帳

房五座由帳房十二丈以外一應扈從官兵聽其
住宿乾隆二十年增定大營之制外方內圓度地
縱二十丈六尺橫十七丈四尺建黃幔城外加網
城結繩為之黃色貫之以網高六尺濶八尺距幔
城南東西各十八丈北十五丈設連帳百七十五
座為內城建旌門三南門建正白金龍燄二東門
建鑲黃金龍燄二西門建正黃金龍燄二周圍建
鑲黃金龍三角旗共四十有一司內旌門以上三

旗護軍叅領六人護軍校護軍六十人設宿衛帳
房九座以上三旗護軍叅領九人護軍校護軍九
十人司之距網城十二丈為外城設連帳二百五
十四座建旌門四南門輪日建正藍金飛虎纛二
鑲藍金飛虎纛二東門建鑲白金飛虎纛二西門
建鑲紅金飛虎纛二北門建正紅金飛虎纛二外
城周圍東南面建正白金飛虎方旗西南面建正
紅金飛虎方旗東北面建鑲黃金飛虎方旗西北

面建正黃金飛虎方旗共六十司外旌門以下五旗護軍叅領八人護軍校護軍八十人設宿衛帳房四座以下五旗護軍叅領四人護軍校護軍四十人司之外城東西為各部院官帳房距外城六十丈周圍設八旗營警蹕帳房四十座每旗各五每帳房建護軍旗各一東南正藍旗西南鑲藍旗東北鑲白旗西北鑲紅旗共四十以護軍叅領四十人護軍校護軍六百人分司警蹕其建設大營

慢城網城連帳用護軍叅領三人護軍校護軍八十人備用亦如之中路頗營縱廣各二丈設黃幔城外加網城如大營之制以護軍叅領二人護軍校護軍四十人預往守衛其建設頗營則以護軍叅領一人護軍校護軍二十人如恭遇

駕幸口外增用蒙古護軍叅領一人護軍校護軍二十人其隨營傳禁踐踏田禾以護軍叅領八人護軍校護軍一百二十人指立市集以護軍叅領二人

護軍校護軍二十四人督率刈草以護軍叅領一人護軍校護軍二十四人管輜重以護軍叅領三人護軍校護軍四十人建護軍輜重三旗燾三杆領以護軍叅領三人率持燾隨燾護軍校護軍一百二十一人隨行專護

御用輜重護軍叅領一人護軍校護軍十人其每日扈從官軍並於八旗內隨時委用

御營嚮導

總統無定員

以前鋒統領護軍統領八旗副都統兼任

於八旗前鋒營

護軍營內每旗選叅領侍衛四人前鋒校護軍校

前鋒護軍六人佐之

凡遇

時巡省方以嚮導總統一人先期率官校詣

車駕經行之地周覽山川通橋梁夷險隘計程入告

駕行佩橐鞬前導每日

駐蹕後以次日程途及

駐蹕之所奏

聞交

行在兵部曉諭闔營

迴鑾亦如之

御營及頓營看城均由嚮導總統先期指示飭所在有

司修治營盤

謹按

御營嚮導雖無專設之員而於翊衛之中責任綦重其

隨時

簡任者皆前鋒營護軍營官謹附載於兩營之後

圓明園八旗護軍營

總統無定員

以王公大臣兼任乾隆十六年定以一人掌印亦由特簡

八旗

營總每旗各一人

乾隆十六年定以二人隨印協理事務

護軍叅領

各一人

雍正十年設乾隆十六年定以二人隨印協理事務

副護軍叅領各

二人護軍校委署護軍叅領各四人護軍校各十

六人

初制共八十人雍正十年增三十二人乾隆十二年增每旗各十六人十六年定以四人

隨印副護軍校各十六人

雍正七年初設七十二人十年增四十人乾隆十二

年增每旗各十六人即於護軍內選用

筆帖式共四十人

雍正十年設即於護

軍內選用乾隆十三年定以八人隨印 護軍共三千六百七十二名

初制設三千名乾隆十二年以京城護軍移駐定額每旗各四百五十九名 養育兵初制

設九十六名乾隆三年增三百八十四名三十六年定額一千名

圓明園護軍營之制

禁苑周圍建營房八所選京中八旗官軍按旗駐劄

初定

圓明園門汛警蹕共百處日以營總四人副護軍叅領八人署護軍叅領十六人護軍校護軍千八入

直夜傳更籌十六恭遇

駕至

圓明園及還

宮自

圓明園至紅橋以副護軍叅領署護軍叅領四人護
軍校護軍八十人於路旁兩翼清蹕

駕由水路自

暢春園西南門經聖化寺至長春橋以營總三人副

護軍叅領署護軍叅領十六人護軍校護軍二百四十人於長河兩岸清蹕乾隆四年改設

圓明園門汛共七十六處日以營總二人護軍叅領二人副護軍叅領署護軍叅領十五人護軍校護軍七百六十人守衛

暢春園增設門汛十九處日以營總一人副護軍叅領署護軍叅領四人護軍校護軍一百九十人守衛夜傳更籌八如恭遇

駕駐靜宜園設門汛五十一處日以營總二人護軍叅領一人副護軍叅領署護軍叅領十三人護軍校護軍五百十人守衛夜傳更籌十

車駕往還均以營總三人護軍叅領三人副護軍叅領署護軍叅領二十人護軍校護軍五百二十人於經由之路左右清蹕恭遇

駕詣黑龍潭大覺寺行禮以營總三人護軍叅領三人副護軍叅領署護軍叅領十四人護軍校護軍七

百人沿路清蹕十年增設

長春園門汛二十處日以護軍叅領一人副護軍叅領署護軍叅領四人護軍校護軍二百人守衛夜傳更籌八十八年增設

清漪園門汛六處日以副護軍叅領或署護軍叅領一人護軍六十人守衛如恭遇

駕幸靜明園等處以營總三人護軍叅領三人副護軍叅領署護軍叅領九人護軍校護軍二百四十人

沿路清蹕

凡選補護軍於本佐領下選充順治元年定護軍
亦選用領催

欽定八旗通志卷三十三

欽定四庫全書

欽定八旗通志卷三十四

兵制志三

禁衛二

八旗步軍營 內府三旗 內府前鋒營
南苑守衛官兵 圓明園內府三旗

盛京內府三旗 火器營 健銳營 三旗虎槍
營 陵寢守衛官兵 王公府屬官兵

八旗步軍營

提督九門巡捕五營步軍統領一人左右翼步軍

翼尉每翼各一人

順治元年設步軍總尉
乾隆十九年改名翼尉

八旗步

軍協尉每旗各三人

順治五年設步軍副尉乾隆十九年改名協尉每旗滿洲

蒙古漢軍兼用共二十四人

步軍副尉每旗各三人

雍正四年設步軍叅

尉乾隆十九年改名副尉

步軍校每旗滿洲二十四人蒙古漢

軍各八人捕盜步軍尉每旗滿洲三人蒙古漢軍

各一人

康熙三十四年設

步軍委署步軍校每旗滿洲五

人蒙古漢軍各二人

康熙三十四年設

領催共二千三十

一名步軍共一萬七千八百四十七名內捕盜步

軍三百二十名步軍統領所屬文武員外郎二人

初制設一人康熙
六十一年增一人
主事二人司務一人雍正十三年增設

筆帖式十二人
初制設四人康熙三十年增四人雍正十三年又增四人
內城

九門每門城門領各二人
初名城門尉乾隆十九年改名城門領外七門

同城門吏各二人
初名城門校乾隆十九年改名城門吏外七門同
外城

七門每門城門領各一人城門吏各一人內外城

門千總每門各二人
初設指揮千戶順治四年改為門千總
城門驍

騎共三百名門軍共六百四十名
門軍初制召募民人充補雍正

二年改用八旗養育兵乾隆四年定於步軍內撥補
驍手每門各二名
初制惟內

九門設礮手乾隆七年外七門增置

中南北左右巡捕五營

順治元年置南北二營十四年增置中營乾隆四十

六年增定五營

中軍副將兼管中營叅將一人

原設中營叅將乾隆

四十六年改設副將

南北左右四營叅將各一人

原設南北二營乾隆

隆四十六年增左右營二人

五營遊擊各一人

原設中南北三營各一人乾隆

四十六年增左右營二人

都司各一人

乾隆四十六年增設

守備共十八

人

康熙三十年初設守備十七人五十一年增一人雍正元年又增一人乾隆四十六年裁一人

凡中營四人南營五人北營左營右營各三人

千總共四十六人

康熙三十年初

設千總七人雍正元年增一人十二年增七人乾隆四十六年增三十一人凡中營十人南營十二人北營左營
右營各八人把總共九十二人初制設十人順治十四年增五人康熙三十年增六人五十一年增二人雍正元年增一人十二年增六人乾隆四十六年增六十二人
凡中營二十人南營二十四人北營左營右營各十六人外委千總共四十六人外委把總共九十二人馬兵共四千名戰兵共三千名守兵共三千名
原設馬兵一千五百名步兵三千六百名共五千一百名乾隆四十六年增設兵四千九百名共一萬名

凡城守之制內九門城門領城門吏以八旗滿洲

外七門以漢軍內外城門千總並以漢軍內九門
城門驍騎門軍以八旗滿洲蒙古外七門以漢軍
康熙三十八年增定正陽門城門領城門吏驍騎
等由八旗充補毋庸議調其崇文等八門官向係
各按本翼旗分管轄或致瞻徇應對調看守崇文
門以鑲黃旗宣武門以正黃旗朝陽門以正白旗
東直門以鑲白旗阜成門以正紅旗西直門以鑲
紅旗安定門以正藍旗德勝門以鑲藍旗其兵丁

等仍各按旗守門

凡內外城門啟閉城門領司之轄以步軍統領其
非時啟閉者順治初年定每月逢五常朝日由禮
部咨兵部轉行步軍統領於黎明啟正陽門遇

御門聽政日外城居住官員應早入者由兵部行文於
曉鐘後啟正陽門遇

壇

廟祭祀日內外城陪祀官有應早入城出城者由太常寺

先期咨兵部轉行於五鼓後啟門內務府遇有祭祀出城取水預期行文或早啟或遲閉其餘各部院八旗有應早出入者均預具印文移咨兵部核明應行者轉行啟門如無兵部印文概不准啟
康熙三十一年定遇

駐蹕暢春園

雍正元年以後凡遇有駐蹕圓明園制同

城內各衙門按日

前赴奏事傳知西直門德勝門西便門遇

駐蹕南苑傳知正陽門永定門均酌量早啟遲閉其尋

常行人仍於黎明放行雍正四年於正陽門西直門各頒陰文合符一扇傳

諭步軍統領如遇夜有奉

旨差遣及緊急軍務應即時啟門者俟

大內持出陽文合符該城門領即取陰文合符驗明啟鑰仍報知統領其餘各門遇陽文合符至門即報統領親齎陰文合符至門與陽文合符照驗啟門均於次日具奏平時啟門仍遵例行

凡門禁順治初年定

午門外朝會坐班行禮處一應間人交步軍尉等驅
逐雍正年間增定凡遇

朝會之期委步軍協尉四人副尉四人步軍尉十六
人步軍酌量差撥於

午門外

大清門內

御道兩旁巡警禁止諠譁又於

長安左右門外每門委捕盜步軍尉二人阻逐間人
其內九門外七門官兵各按分管之處晝稽出入
夜守扃鑰以為常越城者有禁依城搭蓋席棚及
間雜人等近門歇宿者均有禁

凡步軍營汛守之制

皇城内各汛專隸八旗滿洲共分汛九十列柵一百
十六鑲黃旗滿洲界在

紫禁城北東自

地安門箭亭城牆起西至

地安門甬路分中接正黃旗界北自火藥局城牆起

南至三眼井接正白旗界中設步軍尉二人

後各旗同

分汛十每汛設步軍十二人

後各旗同

柵欄十八每座

設步軍三人

後各旗同近汛者或即以汛兵兼管

於

景山後設步軍尉一人

管理街道洒水兼管河道後各旗步軍尉職掌同

步

軍百二十人

後各旗步軍人數同

正白旗滿洲界在

紫禁城東北東自內府庫東口東牆起西至

景山東牆止北自三眼井起南至銀牕風神廟接鑲
白旗界分汎十一柵欄十於

景山東門設步軍尉步軍如前鑲白旗滿洲界在

紫禁城東東自騎河樓東牆起西至北池子止北自
宣仁廟起南至北池子南口並望恩橋北接正藍
旗界分汎十柵欄十三於北池子街設步軍尉步
軍如前正藍旗滿洲界在

紫禁城東南東自

東安門東城牆起西至南池子街止北自北池子街
並望恩橋起南至菖蒲河城牆止分汎十一柵欄
九於南池子口設步軍尉步軍如前正黃旗滿洲
界在

紫禁城北東自

地安門甬路分中起西至西什庫止北自侍衛教場
城牆起南至

宏仁寺分中接正紅旗界分汎十二柵欄十六於

地安門設步軍尉步軍如前正紅旗滿洲界在

紫禁城西北東自

景山西門起西至

西安門城牆止北自

宏仁寺分中起南至

西安門甬路接鑲紅旗界分汎十二柵欄十七於

景山西門設步軍尉步軍如前鑲紅旗滿洲界在

紫禁城西東自大高殿門分中起西至

西安門城牆止北自

西安門甬路分中起南至大石槽城牆止分汎十二
柵欄二十四於光明殿後設步軍尉步軍如前鑲
藍旗滿洲界在

紫禁城西南東自

西華門起西至西苑門止北自慎刑司起南至南府
城牆止分汎十二柵欄九於

西華門外設步軍尉步軍如前

皇城外各汛分隸八旗滿洲蒙古漢軍內九門城上

設汛八十七所

遇

駐蹕圓明園增八旗驍騎

大街巷口

巡幸方岳將步軍撤下分防

以驍騎大城內共分汛

六百二十五列柵一千一百九十九鑲黃旗滿洲

界在大城北

蒙古旗同

東自新橋起西至舊鼓樓大街

接正黃旗界北自安定門城根起南至紅廟後接

正白旗界中設步軍尉五人

後滿洲各旗同

分汛五十三

每汛設步軍十二人

後各旗步軍人數同

柵欄九十四每座

設步軍三人

後各旗同

蒙古旗界東自東直門北小街

口接本旗漢軍界起西至新橋西接本旗滿洲界

北自北城根接本旗滿洲界起南至汪家衙衙西

口接正白旗界中設步軍尉二人

後蒙古漢軍各旗同

分汛

二十二柵欄二十九漢軍旗界在大城東北東自

東直門城根起西至新橋東接本旗蒙古界北自

角樓迤西接本旗滿洲界起南至南水關接正白

旗界分汛十七柵欄二十七正白旗滿洲界在大

城東

蒙古漢軍旗同

東自朝陽門北城根起西至

地安門大街分中接正黃旗界北自汪家衙衙西口

起南至大市街接本旗蒙古界分汛五十一柵欄

九十蒙古旗界東自拐棒衙衙東口接鑲白旗界

起西至

皇城牆止北自兵馬司衙衙接本旗滿洲界起南至

豹房衙衙接鑲白旗界分汛二十柵欄三十五漢

軍旗界東自朝陽門城根起西至鷄鶩市接本旗

滿洲界南自南小街口接鑲白旗界起北至何家

口接本旗滿洲界分汎十四柵欄三十一鑲白旗

滿洲界在大城東

蒙古旗同

東自東城根起西至

皇城牆止北自炒麪衙衙西口接正白旗界起南至

金魚衙衙東口接本旗漢軍界分汎四十六柵欄

八十蒙古旗界東自城根中心臺起西至

東安門止北自小石槽衙衙接本旗滿洲界起南至

小街口接本旗漢軍界分汎十三柵欄三十五漢

軍旗界在大城東南東自東城根起西至王府大街阮府衙衙口止北自金魚衙衙東口起南至就日坊三條衙衙接正藍旗界分汛十二柵欄十八正藍旗滿洲界在大城南

蒙古漢軍旗同

東自城根起西

自

皇城牆轉西至

長安左門止北自三條衙衙起南至小豹房衙衙西

口接本旗蒙古界分汛四十五柵欄八十七蒙古

旗界東自城根起西至敷文坊東口接本旗漢軍
界北自小豹房衚衕起南至城根止分汛十九柵
欄四十五漢軍旗界東自敷文坊東口起西至棊
盤街分中接鑲紅旗界北自兵部街北口接本旗
滿洲界起南至城根止分汛十五柵欄十五正黃
旗滿洲界在大城北北自德勝門城根起南至
皇城牆西北角止東自

地安門分中接鑲黃旗界起西至水關橋止分汛五

十五

內一汎止設步軍五人

柵欄九十一蒙古旗界在大城

西北

漢軍旗同

北自北城根起南至官園口止東自橫

橋起西至西直門止分汎十八柵欄三十漢軍旗

界北自北城根起南至臭皮衚衕接正紅旗界東

自水關接本旗滿洲界起西至橫橋接本旗蒙古

界分汎十八柵欄四十一正紅旗滿洲界在大城

西

蒙古漢軍旗同

北自臭皮衚衕起南至丁字街止東自

大市街分中起西至馬石橋接本旗蒙古界分汎

三十八柵欄七十九蒙古旗界北自朝天宮前起
南至武衣庫衙衙止東自馬石橋起西至阜成門
止分汛十四柵欄三十六漢軍旗界北自倉夾道
北起南至

西安門分中止東自

皇城牆起西至大市街分中接本旗滿洲界分汛十
柵欄十四鑲紅旗滿洲界在大城西南北自按院
衙衙起南至南城根止東自瞻雲坊分中起西至

西城根止分汎四十八柵欄九十六蒙古旗界在

大城西

漢軍旗同

北自絨線衚衕接本旗滿洲界起南

至宣武門止東自六部口起西至大濠止分汎十

二柵欄二十三漢軍旗界北自刑部門分中起南

至南城根止東自碁盤街分中起西至六部口接

本旗蒙古界分汎十柵欄三十九鑲藍旗滿洲界

在大城西

蒙古旗同

北自丁字街接正紅旗界起南至

瞻雲坊接鑲紅旗界止東自

皇城牆起西至河漕沿止分汛五十柵欄九十七蒙
古旗界北自武衣庫衙衙接正紅旗界起南至按
院衙衙止東自河漕沿起西至西城根止分汛十
五柵欄二十四漢軍旗界在大城南北自灰廠接
本旗滿洲界起南至刑部門分中接鑲紅旗界止
東自

長安右門起西至瞻雲坊接本旗滿洲界分汛十柵
欄三十四以上各汛均按分轄地界防守稽察夜

則巡更擊柝每汛設更籌自初更起上下汛往來
傳送至黎明乃止

圓明園附近處汛守雍正元年定制設八旗步軍汛
五十以步軍協尉四人步軍尉十二人分轄之每
汛設領催三名步軍十名晝夜巡警

凡巡捕營汛守之制

圓明園為

車駕駐蹕之地其營汛列於巡捕營之首定為中營分

五汛副將駐海甸遊擊駐四王府以資統轄

圓明園汛都司一人千總二人把總四人分哨巡查
暢春園樹村

靜宜園

樂善園四汛各駐以守備一人千總二人把總四人
南營轄京城前三門外南城之內分六汛叅將駐
崇文門外遊擊駐菜市口其西珠市口汛為都司
一人分駐東珠市口東河沿西河沿花兒市菜市

口五汛為守備五人分駐隸以千總把總如中營
各汛之數北左右三營環駐大城南城關廂北營
轄大城東北德勝安定東直朝陽四汛叅將駐德
勝門外遊擊駐安定門外都司管德勝汛左營轄
兩城東南一帶分朝陽東便廣渠左安四汛叅將
駐朝陽門外迤南遊擊駐東便門外都司管左安
汛右營轄兩城西南一帶分阜成西便廣寧永定
四汛叅將駐阜成門外遊擊駐廣寧門外都司管

永定汛其三營守備管汛千把分哨制亦如中營
計五營二十三汛又步軍巡捕兩營隨時增設汛
守者

康熙三十一年定遇

車駕行幸

皇城內外要地增置汛守每旗增步軍協尉一人直
宿其分汛列柵官兵及捕盜步軍尉等亦加嚴防
正陽崇文宣武門三門外令巡捕營叅將遊擊各

率該管守備千總把總直班看守并增八旗步軍
汛二十於巡捕營汛中交界處相間看守委步軍
尉十六人轄之協尉四人更番稽察其餘各門外
守備在各門護城河橋相近直班千總把總等在
關廟直班加謹守衛
駕回乃撤

乾隆十二年定遇

郊祀先一日

駕宿齋宮步軍統領於附近城門內直宿翼尉一人協尉副尉四人於祀所直宿外垣以內八旗步軍營設汛二十四以步軍尉十六人分轄之每汛領催一名步軍六名竟夕巡警外垣以外巡捕營設汛四十每汛步兵四名每設汛以千總把總各一人轄之以守備二人往來稽察叅將遊擊各一人在要路防守

凡扈從之制康熙三十一年定遇

車駕恭謁

陵寢奏委步軍總尉

即今翼尉

一人副尉

即今協尉

一人捕盜步軍

尉八人守備千總把總各一人健步官十人分派

番役捕役捕盜官軍馬兵隨往如恭遇

駕幸木蘭亦令總尉以下各官兵從若

皇子未分封者奉

差奏委捕盜步軍尉二人千總一人酌量馬兵步軍番

役捕盜步軍隨行

凡潔除之制

大清門

天安門

端門並以步軍司灑掃

初制三門皆以步軍看守雍正七年改用護軍守門其步

軍惟司灑掃遇

朝會之期撥步軍於

午門外

御道左右掃除其大城內各街道恭遇

車駕出入令八旗步軍修墊掃除大城外街道為京營所轄令步軍及巡捕營兵修墊掃除

乘輿經由內外城均由步軍統領率所屬官兵先時清道設帳衢巷以蹕行人

凡防火之制內外城偶有不戒於火者官兵各按營界即時赴救其在南城外地地方報知步軍統領即撥在直弁兵啟正陽門往救兩翼步軍翼親赴督弁兵於城門防守

凡緝捕之制滿洲八旗每一旗分界為三令滿洲
捕盜步軍尉三人分管蒙古漢軍八旗每旗各以
捕盜尉軍尉一人轄之專司巡緝盜賊稽察奸宄
其京城內外如有強竊橫惡負罪潛逃私鑄私銷
賭博鬪毆一切違禁不法之事均責成步軍營巡
捕營專汛兼轄等官督率兵役隨時緝獲按名敘
賞徇隱不報逾限不獲及軍捕受財縱放者皆論
如法如番捕人等擅設白役偵探部院事端擾害

良善者嚴治其罪內外城夜禁均於啟闕後關閉
柵欄王公以下官民人等皆禁行走惟奉

旨差遣各部院傳事民間遭喪生產問疾延醫祭祀嫁

娶因事夜行均詢明聽出若無故夜行者分別官

民察議責處其弁兵疎縱與非時妄拏者論如律

白塔信礮官

順治十年置白塔礮臺設信礮官漢軍左右翼各二人領催二名每旗驍

騎二名雍正二年增定今制乾隆八年歸步軍統領管轄總管一人司信礮官

漢軍八旗每旗各一人礮手八名領催四名步軍

十六名

信礮之制順治十年定於白塔山內九門各設礮
十座外七門各設礮五座門各豎旗杆五遇有警
急聲礮為號杆上畫則懸旗夜則懸燈白塔鳴礮
內外城應舉礮處皆應之各旗官兵聞礮聲皆披
甲於應集之處齊集其白塔礮臺以金牌為信金
牌至則舉礮

金牌鑄鳴礮字
藏於禁中

內府三旗

順治初設內府鑲黃正黃正白三旗
隸領侍衛內大臣康熙十三年改隸

內務府總管三十四年又隸領侍衛
內大臣雍正元年仍隸內務府總管

內府護軍營三旗護軍統領各一人雍正元年設護軍

叅領各五人康熙十年設副護軍叅領各五人康熙三

增設護軍校委署叅領各三人康熙二十年設護軍校共九

十九人順治十八年設三旗護軍校康熙二十一年

人雍正十三年裁烏鎗護軍營以裁缺護軍校六

十人編入新舊共一百二十人內九人為委署叅
領乾隆十三年又選撥六人署前鋒筆帖式共三

叅領六人為前鋒校別入前鋒營
十人護軍委署護軍校共十五人康熙二十年設護軍共

一千六十五名

初制滿洲九佐領朝鮮一佐領下各十五名旗鼓十二佐領下各十

名二十內管領下每二管領合設十五名順治十八年滿洲朝鮮佐領下各增置五名旗鼓佐領內

管領下各增置十名康熙二十一年定各佐領管領下每護軍校一人領護軍十名三旗合九百六

十名二十三年裁三百六十名雍正十三年裁烏鎗護軍營以裁缺護軍六百名編入新舊共一千

二百名定滿洲十五佐領朝鮮二佐領下各二十五名旗鼓十八佐領下一佐領十九名餘各十八

名三十內管領下各十五名內以十五名為委署護軍校乾隆十三年又遞撥一百二十名為前鋒

別入前鋒營

謹案康熙十六年遴選三旗佐領正黃旗朝鮮佐領及內管領下甲兵共六百名停其一應差遣專

令學習烏鎗雍正九年分設烏鎗護軍營三旗設
兼管護軍叅領各二人侍衛委署叅領各二人護
軍校委署叅領各五人護軍校各十五人護軍各
二百名十三年裁烏鎗護軍營以員缺軍額編入
內府三旗
故不另列

內府前鋒營

三旗前鋒校委署前鋒叅領各二人前鋒校各二
人前鋒委署前鋒校共二人前鋒共一百十四名

內府驍騎營三旗掌關防驍騎叅領各五人

康熙十六

年設乾隆十六年設副驍騎叅領各五人

康熙四十三年設雍正十

三年停止補授乾隆十六年復改設滿洲佐領各五人初制各三人康熙三十四

年每旗增二人旗鼓佐領各六人初制各四人康熙三十四年每旗增二人內

管領各十人內副管領各十人正黃旗朝鮮佐領

二人初制設一人康熙三十四年增一人正白旗回子佐領一人乾隆

三十五年設驍騎校共三十六人康熙十六年設三旗驍騎校每佐領下各

一人三十四年定正黃旗十三人鑲黃正白二旗各十一人雍正五年各佐領下增設領催委署驍

騎校一人十三年停止補授乾隆二十領催共二

百六十四名初制每佐領內管領下各設領催六名康熙四十三年各裁二名乾隆二

十五年增設回子驍騎共五千二百五十名初制佐領下領催四名滿洲

朝鮮佐領及內管領下每二丁設驍騎一名旗鼓佐領下不論丁每佐領設驍騎五十名康熙二十一年及四十年四十二年疊經增減雍正三年定制每佐領管領下均額設驍騎五十名九年增設三旗訓練兵二千名別分為二營十三年以訓練兵二千撥入更定滿洲十五佐領朝鮮二佐領三十內管領下各八十九名旗鼓十八佐領下各五十九名餘額五名以丁多之佐領勻補乾隆二十年回子佐領下亦一體增設驍騎

凡宿衛之制

景山正門護軍叅領一人護軍校一人護軍九人山

內左右門護軍校各一人護軍各一人皆順治十年設

慈寧宮正門內管領一人初制尚有內務府所屬司官一人乾隆元年裁護軍

叅領一人護軍校一人護軍九人順治十年設康熙二十七年改

用驍騎乾隆元年復舊制左右門護軍叅領各一人護軍校各

一人護軍各九人皆乾隆元年增定

永康左右門護軍校各一人護軍各九人順治十年設康熙三

十七年改用驍騎乾隆元年復舊制

慈祥門護軍叅領一人護軍校一人護軍九人

寧壽宮正門內管領一人

雍正元年增設

護軍參領一人 護軍

校一人 護軍九人

康熙二十八年設二十八年減護軍五人改用驍騎雍正元年

復舊制

履順門護軍參領一人 護軍校一人 護軍九人

康熙二十

八年設五十六年改用驍騎雍正元年復舊制

蹈和門護軍參領一人 護軍校一人 護軍九人

康熙四十

四年用八旗驍騎營官一人領催一人驍騎九人乾隆二十二年改用護軍

順貞門護軍統領一人 護軍參領一人 護軍校二人

護軍十八人

初制用八旗護軍營參領一人護軍校三人護軍十二人雍正元年改用

內府護軍乾隆十二年西鐵門亦用內府護軍

三所正門護軍參領一人護軍校一人護軍九人

三所

門初以散秩等官輪直乾隆十九年改設護軍其

宮禁外圍地方均於各佐領內管領下遴選領催輪

班直宿若

紫禁城內

御書處造辦處

咸安宮

武英殿

南薰殿衣服庫瓷器庫等處

紫禁城外

西苑門慎刑司

紫光門蕉園門

豐澤園

先蠶門收貯帳殿庫等處均委包衣章京及有頂帶

領催輪直再織染局花爆炸石作三眼井官房租
庫等處均委各佐領下有頂帶領催輪直其專司
防火者曰防範兵別為一班雍正五年定於守衛
寧壽宮正門

履順門護軍內各撥二人

順貞門護軍內撥四人

禁城內直班三旗驍騎內撥二十人各處直班之執
事服役人內選二十人於步軍營內選步軍尉二

人步軍四十人鑾儀衛直班校尉內選十人共以百人合為一班令其更番防範屬

慈寧宮正門直班內管領等統轄仍令直班之內務府總管護軍統領司鑰長公同稽察如有應用齊集之處令直班之內務府總管或領侍衛內大臣散秩大臣率直班之內管領等並添調

太和門直班之侍衛什長及親軍

左翼門等處之八旗護軍協同前往定於

咸安宮前設班房輪直乾隆元年移於

壽康宮西牆外令直班驍騎叅領管轄

凡扈從之制

乘輿出入設馬上引燈五班每班燈六以護軍校二人

庫使七人

庫使及庫守皆內務所屬

護軍二十一人執之專委

司官稽察

躬祀

太廟

社稷則

午門外兩旁列燈四十以庫守二十人護軍二十人

司之祀

南北郊及

壇

廟除

午門列燈外照馬上燈之例增設引燈五班均於

駕出之門兩旁恭候遞行交代展拜

堂子則街門紅柱兩旁增列燈二十以庫守十人護軍十人司之均委司官稽察

凡守護畿輔

行宮官兵京東路為盤山為烟郊為白澗為桃花寺為隆福寺為大新莊為髻髻山等七處京西路為黃新莊為秋澗村為梁家莊為半壁店等四處京北路為石槽為三家店為密雲縣為要亭為羅家橋為懷柔縣等六處各設千總一人委署千總一

人分轄兵自四人至四十九人有差分隸盤山黃
新莊各總管熱河

行宮設千總七人委署千總十二人兵二百七十一
人自熱河以南為喀喇河屯為王家營為常山峪
為兩間房為巴克什營自熱河以北為釣魚臺為
黃土坎為湯泉為中關為十八里臺為波羅河屯
為張三營為濟爾哈朗圖為阿穆呼朗圖各處
行宮分設千總及委署千總或一人或二人兵自六

人至九十八人有差隸熱河總管

謹按

盛京捕牲烏拉等處設總管翼領驍騎校等員管理
廣人採捕之事其名目有珠軒參丁鷹手蜜戶及
網戶獵戶狐戶鶴戶等項於吉林諸境內各執其
役屬內務府都虞司兼隸於
在京內府三旗謹附載于此

南苑守衛官兵

南苑總尉一人防禦八人領催十名驍騎九十名

康熙

二十四年定苑內原有大紅門小紅門南紅門東
紅門西紅門共五門又增設正國寺門黃村門迴
城門雙橋門合為九門大紅門設總尉一人領催
二名驍騎十八名其餘八門每門各設防禦一人

領催一名
驍騎九名

謹按

南苑守衛官兵隸奉宸苑為內務府所兼轄茲舉其

官弁兵額附載於
內府三旗之後

圓明園內府三旗

雍正二年設備禁園諸處派委
由圓明園總統八旗事務王公

大臣掌其升選簽
補仍隸於內務府

營總一人

雍正十年設

三旗護軍叅領一人副護軍叅

領各一人護軍校委署護軍叅領各一人護軍校

各三人筆帖式四人

即於護軍內選
用仍食原餉

護軍共一百

二十名

盛京內府三旗

三旗佐領各一人

順治三年設二人八年設一人

內管領一人

乾隆

三十年增設

驍騎校三人

康熙十年設七年

司庫一人

初制設三人乾隆十

九年改補主事一人三十年改補內管領一人仍食原俸

主事一人

乾隆十九年增設

委署主事一人

乾隆三十年於筆帖式內改補

筆帖式十五人

初制

設十六人乾隆三十年改補委署主事一人仍食原俸

庫使十六人

初制設十人即

在驍騎數內乾隆九年改為定額又增六人

頭目及執事人六十七名

初制即在驍騎數內
乾隆九年改為定額
僅長八人
初制設九人乾隆三十年裁一人定

食俸四人
食餉四人
領催十八名
驍騎委署領催二十四名

驍騎六百四十八名
初制每佐領下驍騎各二百三十共六百九十名乾隆九

年定驍騎額內庫使及頭目執事人等為專設之缺實存驍騎六百十三名又增設十七名定為每佐領下各二百一十共六百三十名十二年除各項專差打獵驍騎三十名看倉驍騎六名委署領催驍騎二十四名之外共存五百七十名又增設七十八名

凡守衛之制順治初定

盛京三旗官率所屬驍騎輪班守衛

宮殿設班房六座乾隆九年增設宮內班房三座定
驍騎為七班輪直每九十人為一班每班房用十
人十二年增設兩掖班房三座合新舊班房十二
座改定驍騎分六班輪直每一百八人為一班每
班房用九人以

留都宮闕為重非駐防地方可比並屬於

盛京內務府總管仍由在京內務府掌其陞選

火器營

康熙三十年設烏鎗護軍每人各給烏鎗一八旗各子母礮五尊司教演火器

總統六人

初制無定員由正時定為六人以王公或領侍衛內大臣

特簡大臣總理雅

臣都統前鋒統領軍統領兼任

八旗掌關防營總每旗各一人

乾隆二十年設

烏鎗護軍叅領各一人

初制設烏鎗護軍叅領十六人

每旗各二人均以旗員兼任雍正元年裁察哈爾八旗護軍叅領改補火器營烏鎗護軍叅領定為

專設官乾隆二十年設官乾隆二十年裁八人副烏鎗護軍叅領各二人

初制設烏鎗驍

騎叅領二十四人乾隆二十年設副護軍叅領

管礮叅領各一

人乾隆二十年增設烏鎗護軍校委署烏鎗護軍叅領各

四人乾隆二十年增設管礮章京各五人烏鎗護軍校每

旗滿洲二十人蒙古八人

初制設烏鎗護軍校一百十二人每旗滿洲十

人蒙古四人設烏鎗驍騎校如護軍校之數管礮
乾隆二十九年裁驍騎校并入護軍校內

驍騎校各五人筆帖式各二人

雍正九年設

烏鎗藍翎

長每旗滿洲二十人蒙古八人

食護軍餉之筆帖式十六人及烏鎗

藍翎長二百二十四人均在兵數內

八旗滿洲蒙古每佐領下烏鎗

護軍七名礮驍騎一名養育兵

乾隆三十六年定額一千名

健銳營

總統無定員

以公侯大臣兼任

左右翼翼長各一人八旗

前鋒叅領每旗各一人副前鋒叅領各二人前鋒

校委署前鋒叅領各四人

乾隆十八年增設

前鋒校各五

十人副前鋒校共四十人

乾隆十八年增設即於前鋒內選用

筆帖

式各四人藍翎長各五十人前鋒共一千名

副前鋒校

四十人及食前鋒餉之筆帖式四人藍翎長五十人均在數內

委署前鋒一千名

乾隆十八年增設

養育兵

乾隆十七年初設一百名三十六年定額一千名

前鋒

營演習水師委署千總四人把總四人

初制由廣東福建等

省調千總十員賞給藍翎充為教習乾隆三十六年裁改

水手七十二名

初制設水

手四十八名亦由天津福建選送附內府正黃旗
旗鼓佐領下十八年增設江蘇省戰船水手七十
二名二十三年
裁四十八名

凡守衛之制乾隆十五年定日以叅領一人前鋒
校前鋒十人守衛

靜宜園宮門遇

駕幸靜宜園則以侍衛守門而移叅領等駐碧雲寺孔
道十八年又定新增官兵內以署前鋒叅領二人
副前鋒校每旗各一人署前鋒每旗各十五人駐

紅石山

凡扈從之制乾隆十五年定遇

巡幸以健銳營官軍分撥十分之四隨往十七年又定

健銳營操演事繁嗣後隨

駕撥官軍十分之二

三旗虎鎗營

總統一人

以公侯領侍衛內大臣兼任

三旗總領各二人

初制設每

旗各一人雍正元年各增一人以內大臣都統前鋒參領護軍統領副都統侍衛簡用

虎鎗

長各七人

初制設每旗各一人雍正元年增設即於虎鎗人內選用

虎鎗副長

各七人

雍正元年增設

筆帖式六人

乾隆三年增設

虎鎗人共六

百名

於親軍校親軍前鋒校前鋒護軍校護軍驍騎校驍騎領催及間散人內選用初制設三

百六十人雍正元年增置每旗各二百名內虎槍人四百八十名學習虎槍人一百二十名

凡扈從之制

車駕蒐狩虎槍總統總領率所屬從日以十人攜虎槍

前行安營後偵虎豹出入備伏弩箭犁刀

行田遇大獸則列鎗從之奉

旨殺虎或尋山或追蹤得實具奏殪虎以獻以首先刺
虎一二人名奏

聞如差往畿輔或殺虎量地遠近奏請

簡總統或總領帶虎槍人前往

陵寢守衛官兵

陵寢守衛各總管一人翼領二人防禦十六人驍騎校二
人所屬領催驍騎均八十名

園寢守衛各防禦八人惟景陵皇貴驍騎

校一人所屬領催驍騎均四十名

凡

陵寢守衛之制設總管翼領防禦驍騎校等官均有定額

惟

永陵

福陵

昭陵初設散秩官各一人康熙八年改為司工匠官仍不

設驍騎又節次於

昭西陵

孝東陵設防禦驍騎校各員詳載會典著為定制其兵數則各無增減焉

王公府屬官兵

親王設長史一人散騎郎四人護衛二十人典儀六人親軍校無定員世子設長史一人散騎郎三人護衛十七人典儀五人郡王設長史一人散騎郎三人護衛十五人典儀四人長子設長史一人

護衛十二人典儀三人貝勒設司儀長一人護衛
十人典儀三人貝子設護衛六人典儀三人鎮國
公輔國公各設護衛四人典儀二人五旗內王公
府屬叅領每旗各五人佐領每旗各七人驍騎校
每佐領下一人王貝勒貝子公等府佐領下額設
甲兵有差固倫公主府本佐領下額設守門甲兵
十五名和碩公主府十名郡主府八名縣主府六
名

凡王公府屬守衛之制順治八年詳定官數雍正
元年議以諸王旗屬佐領非包衣佐領可比嗣後
旗屬人員祇准用為散騎郎護衛親軍校此外或
挑取隨侍之人或令各衙門官員兼令家務或令
隨侍子姪者俱列名請

旨然後知會該旗都統覆奏四年定各王屬下仍准設
散騎郎其貝勒貝子等所有散騎郎一概酌裁乾
隆十八年定長史司儀長等各員缺於下五旗應

用人員內令該旗都統每旗選二人咨送兵部由
領侍衛內大臣會同王貝勒擬題護衛以下由王
貝勒等選擬俱引

見補用四十五年改長史司儀長員缺於上三旗應放
人員內會同領侍衛內大臣揀選擬定正陪兵部
帶領引

見補放

欽定八旗通志卷三十四